



Poziv na Javnu raspravu o Nacrtu Zakona o ugostiteljstvu FBIH


Zaključkom Doma naroda Parlamenta Federacije BiH broj: 02-02-196/18 od 20.04.2018.godine kao i Zaključkom Predstavničkog doma Parlamenta Federacije BiH broj: 01-02-196/18 od 30.09.2019.godine zadužena je Vlada Federacije BiH kao predlagač, odnosno Federalno ministarstvo okoliša i turizma kao obrađivač Zakona da u roku od 60 dana organizuje i provede javnu raspravu s ciljem izrade Prijedloga Zakona o ugostiteljstvu Federacije BiH.

Javnu raspravu provest će predstavnici Federalnog ministarstva okoliša i turizma, odnosno radna grupa koju je ministar Federalnog ministarstva okoliša i turizma imenovao svojim Rješenjem.

Javna rasprava provesti će se u Bihaću, dana 04.12.2019.godine (srijeda), u zgradi JU „Služba za zapošljavanje Unsko-sanskog kantona“ Bihać u sali gdje se održavaju sjednice Skupštine Unsko-sanskog kantona, ulica Alije Đerzeleza br. 2, 77 000 Bihać sa početkom u 11:00 sati.

Pozivaju se pravna i fizička lica sa kantonalnog nivoa zainteresirana za oblast ugostiteljstva, da uzmu učešće i eventualno dostave svoje prijedloge, primjedbe i sugestije na Nacrt Zakona na adresu: Federalno ministarstvo okoliša i turizma ul.Hamdije Čemerlića br.2. 71000 Sarajevo ili na mail adrese: inja.bubalo@fmoit.gov.ba ili edina.djonko@fmoit.gov.ba (Obrazac za dostavljanje komentara i prijedloga na propis).

Tekst prihvaćenog Nacrta Zakona o ugostiteljstvu Federacije BiH možete preuzeti na službenoj web-stranici Vlade Unsko-sanskog kantona (www.vladausk.ba) ili na web stranici Federalnog ministarstva okoliša i turizma (www.fmoit.gov.ba) u odjeljku Vijesti kao i u odjeljku Turizam, pododjeljak ugostiteljstvo, kako bi se u izradu prijedloga istog uključila šira javnost kao i relevantni subjekti iz ove oblasti. Za sve dodatne informacije možete nas kontaktirati na broj telefona: 037/316-025 ili 037/316-033



MINISTAR
Nijaz Kadirić
Nijaz Kadirić

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Broj: 06-02-22-1341/16-1/19
Datum, 22.10.2019.godine

VLADA UNSKO-SANSKOG KANTONA
Ministarstvo privrede
n/r Nijaz Kadirić, ministar
Alije Đerzeleza br. 2
Bihać

VLADA ZENIČKO-DOBOJSKOG KANTONA
Ministarstvo privrede
n/r Zlatko Jelić, ministar
Kučukovići 2
Zenica

VLADA BOSANSKO-PODRINJSKOG KANTONA
Ministarstvo privrede
n/r Mensad Arnaut, ministar
Maršala Tita 13
Goražde

VLADA ŽUPANIJE POSAVSKE
Ministarstvo prometa, veza, turizma i zaštite okoliša
n/r Anes Osmanović, ministar
Jug I bb
Orašje

VLADA HERCEGOVAČKO-NERETVANSKE ŽUPANIJE/KANTONA
Ministarstvo trgovine, turizma i zaštite okoline
n/r Ajdin Teletović, ministar
Braće Fejića b.b.
Mostar

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

VLADA TUZLANSKOG KANTONA
Ministarstvo trgovine, turizma i saobraćaja
n/r Edin Buševac, ministar
Mije Keroševića 20
Tuzla

VLADA KANTONA SARAJEVO
Ministarstvo privrede
n/r Haris Bašić, ministar
Reisa Džemaludina Čauševića 1
Sarajevo

VLADA SREDNJOBOSANSKOG KANTONA
Ministarstvo privrede
n/r Nisvet Hrnjić, ministar
Prnjavor 16a
Travnik

VLADA ŽUPANIJE ZAPADNOHERCEGOVAČKE
Ministarstvo gospodarstva
n/r Dario Sesar, ministar
fra Grge Martića 3
Posušje

VLADA KANTON 10
Ministarstvo gospodarstva
n/r Miloš Bauk, ministar
Stjepana II. Kotromanića bb
Livno

Predmet: Javna rasprava - nacrt Zakona o ugostiteljstvu Federacije BiH

Poštovani,

Zaključkom Doma naroda Parlamenta Federacije BiH broj: 02-02-196/18 od 20.4.2018. godine kao i Zaključkom Predstavničkog doma Parlamenta Federacije BiH broj: 01-02-196/18 od 30.9.2019. godine zadužena je Vlada Federacije BiH kao predlagač, odnosno Federalno ministarstvo okoliša i turizma kao obrađivač Zakona da u roku od 60 dana organizuje i provede javnu raspravu s ciljem izrade prijedloga Zakona.

U cilju izrade što kvalitetnijeg teksta prijedloga Zakona o ugostiteljstvu Federacije BiH, pozivamo nadležna kantonalna ministarstva za oblast turizma i ugostiteljstva da se u zajedničkoj saradnji uključe u proces organizacije i održavanja javne rasprave.

S obzirom na zadati rok od strane Parlamenta Federacije BiH i predstojećih obaveza Federalnog ministarstva okoliša i turizma predlažemo sljedeće termine održavanja javnih rasprava po kantonima kako slijedi:

1. BPK - Goražde - 04.11.2019.godine
2. PK - Orašje - 19.11.2019. godine
3. ZE-DO - Zenica - 20.11.2019. godine
4. SBK - Travnik - 21.11.2019. godine
5. HNK - Mostar - 28.11.2019.godine
6. ZHŽ - Posušje - 29.11.2019. godine
7. Kanton 10 Livno - 03.12.2010. godine
8. USK - Bihać - 04.12.2019. godine
9. TK - Tuzla - 10.12.2019. godine
10. KS - Sarajevo - 11.12.2019. godine

Ako niste u mogućnosti potvrditi ponuđene termine za održavanje javne rasprave molimo da kontaktirate Ministarstvo na telefone: 033/ 726-729 i 726-749 kako bi u usmenoj komunikaciji dogovorili nove termine, te uskladili sa vašim mogućnostima i vremenom, te iste potvrdili na mail adrese: inja.bubalo@fmoit.gov.ba ili edina.djonko@fmoit.gov.ba

Cijenili bismo kada biste za održavanje javne rasprave obezbjedili adekvatan prostor - salu za održavanje javne rasprave s mogućnošću transkripta.

Preporučujemo da kantonalna ministarstva nadležna za oblast turizma i ugostiteljstva u javnu raspravu o nacrtu Zakona o ugostiteljstvu Federacije BiH pozovu i druge institucije, pravna i fizička lica sa kantonalnog nivoa zainteresirane za oblast ugostiteljstva, da uzmu učešće i eventualno dostave svoje prijedloge, primjedbe i sugestije na nacrtu Zakona na adresu: Federalno ministarstvo okoliša i turizma ul. Hamdije Čemerlića br. 2, 71000 Sarajevo ili na mail adrese: inja.bubalo@fmoit.gov.ba ili edina.djonko@fmoit.gov.ba, kao i da nacrt Zakona o ugostiteljstvu Federacije BiH postave na svoje službene web stranice ministarstva u cilju uključivanja javnosti u izradu prijedloga navedenog Zakona.

Tekst nacrtu Zakona o ugostiteljstvu Federacije BiH možete pronaći na web stranici Federalnog ministarstva okoliša i turizma, www.fmoit.gov.ba u odjeljku *Vijesti* kao i u odjeljku *Turizam*, pododjeljak *ugostiteljstvo*, kako bi se u izradu prijedloga istog uključila šira javnost kao i relevantni subjekti iz ove oblasti.

S poštovanjem,

Dostaviti:

- Naslovu,
- Svjetska banka – IFC,
- Evidencija,
- Arhiva.

Predmet obradila: Inja Hadžialić-Bubalo, Edina Đonko
Neposredni rukovodilac: Bisera Hotić
Zakonitost postupka pregledao pomoćnik ministra: Farida Cikotić



OBRAZAC
za dostavljanje komentara i prijedloga na propis

(navesti tačan naziv propisa na koji se daje komentar i prijedlog izmjena)

Uputstvo za popunjavanje obrasca

U koloni **Opšta zapažanja** vezano za nacrt propisa molimo upišite vaša zapažanja vezana za radni materijal propisa, koji se nalazi u procesu konsultacija i na koji vi dajete komentare. Ova zapažanja se mogu odnositi na potrebu donošenja propisa na koji dajete komentare, njegov odnos sa drugim propisima koji direktno ili indirektno uređuju istu ili sličnu oblast, zatim redoslijed članova u samom tekstu propisa i njihov eventualni drugačiji raspored, izostanak nekih važnih odredbi i slično.

U koloni **Pojedinačni komentari** na članove nacrta propisa molimo upišite na koji konkretno član i stav se vaši komentari odnose. U okviru toga, molimo da za svaki taj član ili stav date komentar, obrazloženje, odnosno razlog zbog čega smatrate da ponuđeno rješenje nije odgovarajuće, te eventualno koje su posljedice uslijed usvajanja ponuđenog teksta propisa. Također, molimo da u okviru prijedloga izmjene navedenog člana ili stava ponudite tekst toga člana ili stava, onako kako smatrate da isti treba glasiti.

Ime i prezime lica ili naziv organizacije koja daje komentare		
Opšta zapažanja o propisu		
Pojedinačni komentari na članove		
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	

	Prijedlog izmjene teksta spomenutog člana	
--	---	--

Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	
Član stav :	Komentar	
	Obrazloženje	
	Prijedlog izmjene teksta spomenutog člana	

Na osnovu člana III.1 tačka b) koji je izmijenjen amandmanima VIII, LXXXIX i CVI, a u vezi sa članom IV.A.20 (1) i člana III.2 tačka h) Ustava Federacije Bosne i Hercegovine, Parlament Federacije BiH donosi:

ZAKON O UGOSTITELJSTVU FEDERACIJE BOSNE I HERCEGOVINE

I OPĆE ODREDBE

Član 1. (Predmet zakona)

Ovim zakonom uređuju se uslovi za razvoj i obavljanje ugostiteljstva kao privredne grane, obaveze ugostitelja, osnivanje i prestanak ugostiteljske radnje i ostale vrste ugostiteljske djelatnosti, vrste i kategorizacija ugostiteljskih objekata, ugostiteljske usluge u domaćinstvu i seoskom domaćinstvu, registri u ugostiteljstvu i druga pitanja iz oblasti ugostiteljstva.

Član 2. (Pojmovi koji se upotrebljavaju u ovom zakonu)

Pojmovi koji se upotrebljavaju u ovom zakonu imaju sljedeće značenje:

- a) **Boravišna taksa** je naknada za korištenje turističke, komunalne i saobraćajne infrastrukture i suprastrukture na području jedinice lokalne samouprave ili u turističkom mjestu koju plaća domaći ili strani državljanin koji izvan svog mjesta prebivališta koristi uslugu noćenja u ugostiteljskom objektu za smještaj,
- b) **Hasap (HACCP)** je sistem analize opasnosti i kontrolnih tačaka u procesu proizvodnje, distribucije i manipulacije hranom,
- c) **Iznajmljivač** je fizičko lice koje pruža ugostiteljske usluge u vlastitom domaćinstvu i to usluge smještaja u sobi, apartmanu i kući za odmor ili usluge smještaja u kampu koje je dobilo rješenje o odobrenju za pružanje ugostiteljskih usluga u domaćinstvu,
- d) **Kampovanje** je smještaj i boravak gostiju u odgovarajućoj opremi za smještaj na otvorenom prostoru.
- e) **Kategorizacija ugostiteljskih objekata** je postupak utvrđivanja postignutih standarda u pogledu uređenja, opreme i usluge u ugostiteljskim objektima za smještaj na osnovu kojeg se objekti iste vrste razvrstavaju u različite kategorije u zavisnosti od nivoa postignutih standarda,
- f) **Ketering (catering)** usluga je usluga koja podrazumijeva pripremanje jela, i/ili poslastica, i/ili napitaka u ugostiteljskom objektu, po utvrđenim standardima, i dostavljanje ili dostavljanje i usluživanje na drugom mjestu,

- g) „**Noćenje s doručkom**“ („Bed and breakfast“) je vrsta ugostiteljskog objekta za smještaj u kojem se pored smještaja pružaju usluge pripremanja i usluživanja doručka.
- h) **Seosko domaćinstvo** je porodično domaćinstvo koje je dobilo rješenje o odobrenju za pružanje ugostiteljskih usluga u kojem njegovi članovi učestvuju u pružanju ugostiteljskih usluga, a privređivanje članova seoskog domaćinstva pretežno proizlazi iz programa vlastite proizvodnje,
- i) **Smještajna jedinica** je opremljena prostorija, odnosno skup opremljenih prostorija (soba, apartman, hotelski apartman, studio apartman) ili posebno uređen prostor na otvorenom (kamp mjesto, kamp parcela), unutar ugostiteljskog objekta za smještaj, koji se stavlja na raspolaganje korisniku,
- j) **Standardi** su uslovi i mjerila u pogledu uređenja i opremljenosti objekta, kvaliteta pružanja usluga i pretežnog sadržaja usluga i održavanja ugostiteljskog objekta,
- k) **Standardna ploča** je jednoobrazno dimenzionirana i sadržajno određena tabla za označavanje kategorije ili standarda, te vrste ugostiteljskog objekta,
- l) **Ugostitelj** je pravno lice, obrtnik ili fizičko lice koje obavlja ugostiteljsku djelatnost,
- m) **Ugostiteljski objekat** je funkcionalno povezan, uređen i opremljen prostor koji ispunjava propisane minimalno-tehničke i sanitarno-higijenske uslove za pružanje ugostiteljskih usluga, odnosno za obavljanje ugostiteljske djelatnosti,
- n) **Ugostiteljski objekti otvorenog tipa** su svi ostali ugostiteljski objekti u kojima se ugostiteljske usluge smještaja, ishrane i pića pružaju trećim licima, po tržišnim cijenama i na komercijalnoj osnovi,
- o) **Ugostiteljski objekti za ishranu i piće** su objekti u kojima se pripremaju i uslužuju topla i hladna jela, pića i napici, ili se uslužuju samo pića i napici,
- p) **Ugostiteljski objekti za smještaj** su objekti u kojima se pružaju usluge smještaja, ishrane i pića i druge uobičajene usluge u ugostiteljstvu ili samo usluge smještaja,
- q) **Ugostiteljski objekti zatvorenog tipa** su oni u kojima se ugostiteljske usluge smještaja, ishrane i pića pružaju samo licima zaposlenim u ustanovama, odnosno članovima ili pripadnicima sportskih, omladinskih, humanitarnih ili drugih organizacija ili zaposlenima u privrednim društvima ili organima lokalne samouprave po netržišnim cijenama, kao što su: menze, kantine, odmarališta.

Član 3.

(Ugostiteljska djelatnost – pojam i finansiranje)

(1) Ugostiteljska djelatnost u smislu ovoga zakona je pripremanje i usluživanje hrane, pripremanje i usluživanje pića i napitaka i pružanje usluga smještaja.

(2) Ugostiteljska djelatnost je i pripremanje jela, pića i napitaka za potrošnju na drugom mjestu sa ili bez usluživanja (u prijevoznom sredstvu, na priredbama i slično) i opskrba tim jelima, pićima i napitcima (catering).

(3) Ugostiteljska djelatnost se može obavljati kao osnovna i sporedna djelatnost pravnih lica i obrtnika koji su ispunili uslove u skladu sa ovim zakonom.

(4) Ugostiteljska djelatnost se može obavljati od strane fizičkih lica kao iznajmljivača u vlastitom domaćinstvu ili u seoskom porodičnom domaćinstvu koji su ispunili uslove u skladu sa ovim zakonom.

(5) U cilju usmjeravanja i podsticanja razvoja ugostiteljstva, mogu se planirati sredstva za finansiranje projekata iz oblasti ugostiteljstva u skladu s propisima kojima se regulisane oblasti državne pomoći i podsticaja u oblasti turizma.

II USLOVI ZA OBAVLJANJE UGOSTITELJSKE DJELATNOSTI

Član 4.

(Pravna i fizička lica koja mogu obavljati ugostiteljsku djelatnost)

(1) Ugostiteljsku djelatnost mogu obavljati pravna lica, obrtnici i fizička lica koji ispunjavaju uslove propisane za obavljanje te djelatnosti (u daljnjem tekstu: ugostitelj).

(2) Ugostiteljsku djelatnost, kao sporednu, pod uslovima propisanim ovim zakonom mogu obavljati i:

- a) javne ustanove koje upravljaju zaštićenim područjima,
- b) zdravstvene ustanove – specijalne bolnice i lječilišta,
- c) ugostiteljske obrazovne ustanove, učenički i studentski centri, u svojim poslovnim prostorijama i prostorima i u objektima za omladinski turizam,
- d) planinarska, lovačka i ribarska udruženja, u svojim klupskim prostorijama i prostorima, za svoje članove i druge registrirane planinare, lovce odnosno ribolovce,
- e) udruženja pripadnika nacionalnih manjina u svojim prostorijama i prostorima za potrebe svojih članova i drugih pripadnika te nacionalne manjine u svrhu održavanja kulturnih i drugih događanja radi očuvanja, promicanja i iskazivanja nacionalnog i kulturnog identiteta nacionalne manjine,
- f) ustanove koje obavljaju pozorišnu djelatnost u svojim poslovnim prostorijama i prostorima, u svrhu pripreme i usluživanja napitaka, pića i slično, za potrebe svojih posjetilaca,
- g) amaterska sportska udruženja za svoje potrebe u svojim prostorijama odnosno prostorima,
- h) ostala udruženja za svoje potrebe, u svojim prostorijama, odnosno prostorima,
- i) muzeji i galerije koje obavljaju muzejsku djelatnost, u svojim prostorijama i prostorima, za posjetioce muzeja, odnosno galerije.

(3) Ako udruženja i drugi organizacioni oblici iz stava (2) ovog člana uslužuju svoje članove ili treća lica hranom, pićima ili napitcima, obavezni su da se registruju i za obavljanje ugostiteljske djelatnosti i moraju ispuniti sve propisane uslove kao ugostitelji i imati instaliran fiskalni uređaj u objektu.

(4) Pod uslovima propisanim ovim zakonom i propisima donesenim na osnovu ovoga zakona, određene ugostiteljske usluge mogu pružati fizička lica, iznajmljivači i članovi seoskih domaćinstava.

(5) Ugostiteljsku djelatnost u ugostiteljskim objektima za smještaj vrste hotel, aparthotel i turističko naselje, obavljaju ugostitelji registrovani kao pravna lica ili obrtnici.

(6) Pravno lice i obrtnik, sa poslovnim sjedištem i registrovanom ugostiteljskom djelatnošću u drugoj državi ugovornici Evropskoga prostora može u Federaciji Bosne i Hercegovine (u daljnjem tekstu: Federacije BIH) obavljati ugostiteljsku djelatnost u skladu s pravima o slobodi poslovne djelatnosti i slobodi prekograničnog pružanja usluga, ako ispunjava uslove za obavljanje ugostiteljske djelatnosti propisane ovim Zakonom.

Član 5.

(Ostali davaoci ugostiteljskih usluga)

(1) Pravna lica i obrtnici mogu organizirati usluge smještaja i prehrane za svoje zaposlenike i svoje penzionere, te članove uže porodice svojih zaposlenika i penzionera, pod uslovima utvrđenim ovim zakonom i drugim propisima, u objektima zatvorenog tipa (odmaralište, objekat za prehranu i sl.).

(2) Članovi uže porodice, u smislu odredbe stava (1) ovog člana, su: supružnici, djeca rođena u braku ili izvan braka, pastorčadi usvojenici, te roditelji i usvojitelji.

(3) Pravna lica i obrtnici dužni su za pružanje ugostiteljskih usluga iz stava (1) ovog člana dobiti rješenje organa uprave nadležnog za poslove ugostiteljstva prema mjestu sjedišta objekta o ispunjavanju uslova propisanih ovim zakonom i drugim propisima.

(4) Federalni ministar okoliša i turizma (u daljnjem tekstu: Ministar) će propisati minimalne tehničke i druge uslove za pružanje usluga iz stava (1) ovog člana.

(5) Organ uprave nadležan za poslove ugostiteljstva rješenjem utvrđuje ispunjavanje uslova iz propisa donesenog na temelju stava (4) ovog člana.

Član 6.

(Pružanje ugostiteljskih usluga na koje se ne primjenjuju odredbe ovog Zakona)

(1) Ne smatra se ugostiteljskom djelatnošću i na iste se ne primjenjuju odredbe ovog zakona:

a) pružanje usluga ishrane i smještaja u objektima ustanova socijalne pomoći, zdravstva, odgoja i obrazovanja, ako te usluge pružaju uposlenici navedenih ustanova uposlenicima

ili korisnicima svojih ustanova, ili uposlenicima ili korisnicima neke druge od navedenih ustanova,

b) pružanje usluga ishrane i smještaja pripadnika oružanih snaga, kad ih pripadnici oružanih snaga organizuju za sebe i pružaju u svojim objektima,

c) pružanje usluga ishrane i smještaja policije, kad ih pripadnici policije organizuju za sebe i pružaju u svojim objektima,

d) pružanje usluga ishrane (»toplog obroka«), napitaka i bezalkoholnih pića, bez namjere sticanja dobiti ili drugih privrednih koristi, koje za potrebe svojih uposlenika organizuju pravna i fizička lica te federalni organi i organizacije i drugi organi uprave i organizacije u svojim poslovnim prostorijama i prostorima u toku radnog vremena,

e) organiziranje ishrane i smještaja te pripremanje i usluživanje jela, pića i napitaka u objektima i kampovima u kojima se organizirano provodi zbrinjavanje evakuiranih građana, koje u slučaju velike nesreće i katastrofe organiziraju i provode operativne snage sistema civilne zaštite.

(2) Ako se radnje pripremanja i usluživanja jela, pića i napitaka te pružanja usluga smještaja, vrši u uslovima i na način koji upućuju na obavljanje ugostiteljske djelatnosti, a lice koja ih obavlja ne može dokazati zakonitost svoga poslovanja, smatra se obavljanjem neregistrovane ugostiteljske djelatnosti, osim u slučajevima pobrojanih u stavu (1) ovog člana.

Član 7.

(Prostor u kojem se obavlja ugostiteljska djelatnost)

(1) Ugostiteljska djelatnost obavlja se u poslovnom objektu, prostoriji i na prostoru koji čine građevinsku cjelinu ili koji su funkcionalno povezani, odnosno koji u okviru šire građevinske cjeline imaju potrebnu funkcionalnost.

(2) Ugostiteljski objekat mora ispunjavati uslove u pogledu izgradnje, uređaja, opreme, zaštite na radu, zaštite od požara, zaštite od buke, sanitarno-higijenske i ostale propisane uslove za pružanje pojedinih vrsta ugostiteljskih usluga.

(3) Ugostiteljska djelatnost može se obavljati i u poslovnom objektu, prostoriji i na prostoru gdje se obavlja druga djelatnost, ako su za obavljanje ugostiteljske djelatnosti ispunjeni uslovi propisani ovim zakonom, propisima donesenim na temelju ovog zakona i drugim propisima.

(4) U ugostiteljskim objektima, ugostitelji mogu obavljati djelatnost trgovine na malo duhanom i prerađevinama od duhana, trgovine na malo štampom, suvenirima, domaćim proizvodima i proizvodima iz programa vlastite proizvodnje i domaće radinosti ako ispunjavaju uslove određene posebnim propisima.

(5) Ugostiteljski objekat u kojem je obezbijeđeno nesmetano kretanje za osobe sa umanjenim tjelesnim sposobnostima, pored uslova propisanih ovim zakonom, mora ispunjavati i uslove regulisane propisima iz oblasti prostornih standarda, urbanističko-tehničkih uslova i normativa za sprečavanje stvaranja arhitektonsko-urbanističkih prepreka za osobe sa umanjenim tjelesnim sposobnostima.

(6) Izuzetno od stavova (1), (2) i (3) ovog člana, ako je ugostiteljski objekat smješten u objektu koji je proglašen kao kulturno-historijski spomenik ili kao nepokretno kulturno dobro, može odstupiti od općih i posebnih minimalnih uslova iz ovog zakona ako bi se njima narušile autentične vrijednosti spomenika ili dobra, uz prethodno pribavljenu saglasnost organa nadležnog za zaštitu kulturno-historijskih dobara, u skladu sa posebnim zakonom.

(7) Priređivanje igara na sreću u ugostiteljskim objektima obavlja se u skladu sa posebnim propisima iz oblasti igara na sreću.

(8) Za obavljanje ugostiteljske djelatnost, na javnim površinama ili ljetnim i zimskim baštama, ugostitelji su obavezni ispuniti uslove u pogledu izgradnje i uređenja takvih prostora.

(9) Nadležni organ jedinice lokalne samouprave odlukom propisuje uslove u pogledu izgradnje, izgleda i uređenja javnih površina, ljetnih i zimskih bašti u kojima se obavlja ugostiteljska djelatnost, radi očuvanja urbanističkog, estetskog i ambijentalnog izgleda prostora.

Član 8.

(Ispunjavanje uslova za rad ugostiteljskog objekta)

(1) Za početak rada ugostiteljskog objekta mora da bude obezbijeđen poslovni prostor, uređaji, oprema i ispunjeni standardi te uslovi u pogledu zaposlenih lica u skladu sa ovim Zakonom i posebnim propisima.

(2) Ugostitelj može započeti pružati usluge kada organu uprave nadležnom za poslove ugostiteljstva podnese zahtjev za obavljanje ugostiteljske djelatnosti sa potrebnom dokumentacijom i priloži ovjerenu pisanu izjavu kojom garantuje da su ispunjeni uslovi propisani ovim Zakonom, propisima donijetim na osnovu ovog Zakona i posebnim propisima.

(3) Ugostitelj je dužan da uz zahtjev za izdavanje rješenja za obavljanje ugostiteljske djelatnosti priloži ovjerenu pisanu izjavu da su ispunjeni propisani uslovi u pogledu prostora, uređaja, opreme i zaposlenih lica, kao i kopiju rješenja o upisu u registar kod nadležnog suda za pravno lice.

(4) Nadležni organ iz stave (2) ovog člana dužan je da u roku od 15 dana od dana prijema odluči o zahtjevu.

(5) Nadležni organ je dužan da bez odlaganja i hitno, u roku od najkasnije 3 radna dana, dostavi primjerak zaprimljene izjave nadležnoj inspekciji i obavijesti ih o obavezi provjere ispunjenosti minimalnih uslova za obavljanje djelatnosti.

(6) Ako nadležni inspektori nakon pregleda i kontrole ispunjavanja uslova iz ovog člana zakona, utvrde da postoje nedostaci, naložit će kontrolisanom ugostitelju otklanjanje nedostataka i odrediti rok u kojem se to treba učiniti.

(7) Ako nedostaci iz stava (6) ovog člana ne budu otklonjeni ni u naknadnom roku, nakon obavljene kontrole izvršenja upravne mjere iz prethodnog stava, tada nadležni inspektor